

Auflegung Gemeiner

förchten / vnd wirt dich für ein Heiligen
mann achten. Da fragt er den Teuffel mit
solcher geistlicher hoffart aufgeblasen/
Wer bin ich? Da antwort der Teuffel/ Du
bist ein fromer schalck / vnd gieng dauon.

117

Es ist ein rechter geizhals.

Den niemäd füllen kan/vnd dem alles
zuwenig ist/derselbig heisst ein geizhals.

118

Sihe im auff die hend/auff die füß darffestu im nicht sehen.

Man kan mit den füßen nicht viel auß-
richten / aber mit den henden richtet man
alles auß. Wann ich nun jemand vor ei-
nes andern dücken warne/das er sich vor
im fürsehe/es sey auff dem spiel/oder sonst
in einer fahr/das er schlagen oder hawen
wöll heimlich vnd schälcklich / so sprich
ich/Sihe im auff die hend/ mit den füßen
thut er dir lang nichts / sonder mit den
henden. Es was zu Wittenberg ein Po-
et / ein Walhe / der hiesse Sprulius / der
ward an einem ort funden / da er billich
nicht sein solt. Der ander der in fand/scher-
zet mit im/vnd spannete ein armbrust/ei-
lete im nach. Sprulius lauffte vnd schreiet/
Non